

Anak, bapa sama bergaya

Himpunan istimewa sempena temasya bola sepak Piala Dunia

Oleh Nor Faizah Mohamed
faizah@mediaprima.com.my

Bapa borek, anak rintik. Bukan bapa atau ibu saja yang tampil bergaya, si kecil juga mahu turut sama menyorongkan helaian yang padan dengan usia.

Sememangnya fesyen adalah hak semua tanpa mengira usia, warna kulit dan latar belakang seseorang individu.

Justeru, Snails & Sons hadir memeriahkan dunia fesyen dengan himpunan menarik untuk kanak-kanak yang menyerlahkan lagak gaya yang sama seakan-akan si bapa.

Ditambah dengan kehangatan Piala Dunia Brazil 2014 yang akan berlangsung

pada 12 Jun ini, Snails & Sons enggan ketinggalan melancarkan himpunan istimewa sebagai sambutan temasya bola sepak dunia itu.

Peminat pasukan antaranya Jerman, Itali, Brazil, Sepanyol dan England berpeluang menggayakan gaya sedondon bapa dan anak yang terdiri daripada lapar rekaan kemeja polo berserta celana pendek.

Pada masa sama, Snails & Sons tidak lari daripada himpunan utamanya bagi musim ini.

Bertemakan Pengembara Urban untuk kanak-kanak moden, himpunan ini menyerlahkan rekaan selesa serta mudah dipadu-padan bersama helaian sedia ada.

Cetakan grafik pada kemeja-T diilhamkan dari-

da konsep 'collegiate' yang menonjolkan gaya kemas nan santai ketika mengembara.


Palet warnanya pula terarah kepada serakan merah, biru dan hijau yang menggambarkan aspek ceria sepanjang kembara.

Tidak lengkap penampilan sang pengembara tanpa menyertakan celana kargo dan jeans, selain kemeja bercorak petak dalam nuansa rona utama.

Untuk kanak-kanak perempuan pula ditampilkan skirt denim kasual yang menarik dan selesa. Pilihan rona jingga, hijau, merah, kuning dan merah jambu tidak terhad pada kemeja-T, namun banyak dihamparkan pada gaun dan seluar panjang.



CETAKAN grafik pada kemeja-T diilhamkan daripada konsep 'collegiate' yang santai!



KEMEJA bercetak dalam rona utama boleh dipadankan dengan helaian sedia ada



PILIHAN rona manis dihamparkan pada koleksi untuk kanak-kanak perempuan.



KOLEKSI Pengembara Urban ini turut menyertakan celana pendek untuk kanak-kanak lelaki.



KOLEKSI istimewa kemeja polo bagi meraihan Piala Dunia 2014.



HIMPUNAN kembara Snails & Sons serlahkan rona ceria yang sinonim dengan musim ini.